



Broj: 01,02,03,03/11-05-1-2270/19

Sarajevo, 3. 2. 2020.

Izvještaj

PRIMLJENO: 03-03-2020			
Organizaciona jedinica	Klasifikaciona oznaka	Redni broj	Broj priloga

sa Samita predsjednika Evropskog parlamenta s predsjednicima parlamenata
država Zapadnog Balkana,
Brisel, Kraljevina Belgija, 28. januar 2020.

Predsjedavajući Predstavničkog doma PSBiH Denis Zvizdić i predsjedavajući Doma naroda PSBiH Dragan Čović učestvovali su na Samitu predsjednika Evropskog parlamenta s predsjednicima parlamenata država Zapadnog Balkana, koji je održan 28. januara 2020. godine u Briselu.

Zvaničnici Evropske unije (EU), na čelu s domaćinom predsjednikom Evropskog parlamenta Davidom Sassolijem, ponovili su stav da Evropski parlament želi biti dio procesa i donošenja odluka, ističući da je evropski put BiH važan dio budućnosti EU.

Predsjednik Hrvatskog sabora Gordan Jandroković pozdravio je delegaciju PSBiH u ime Republike Hrvatske, zemlje predsjedavajuće EU, te naglasio da je proširenje jedan od prioriteta hrvatskog predsjedavanja.

Obraćajući se prisutnima, predsjedavajući Zvizdić rekao je da je kandidatski status za BiH pitanje stabilnosti, sigurnosti i ekonomskog prosperiteta i da su evropske integracije najmanji zajednički sadržilac saradnje EU i Bosne i Hercegovine. "Evropske integracije donose mogućnost prosperiteta i napretka, stabilnosti i sigurnosti. Zbog svega što je urađeno Bosna i Hercegovina treba da dobije kandidatski status, posebno zbog činjenice da BiH predstavlja ključ stabilnosti Zapadnog Balkana", rekao je tokom obraćanja predsjedavajući Predstavničkog doma PSBiH Denis Zvizdić.

Predsjedavajući Doma naroda PSBiH Dragan Čović tokom obraćanja na Samitu istaknuo je kako bi kandidatski status za BiH relaksirao unutrašnje probleme s kojima se BiH suočava, napomenuvši kako je BiH očekivala kandidatski status tokom 2018. godine, slijedeći predavanje aplikacije za članstvo. Govoreći o periodu ispred nas, gospodin Čović je naglasio očekivanja za dobivanje kandidatskog statusa, u susret Samitu EU i Zapadnog Balkana u maju 2020. godine, u okviru hrvatskog predsjedavanja EU.

Na kraju Samita usvojena je Zajednička deklaracija predsjednika parlamenata zemalja Zapadnog Balkana, zajedno s predsjednikom Evropskog parlamenta i predsjednikom Hrvatskog sabora, kojom je još jednom potvrđena nesumnjiva evropska perspektiva zemalja Zapadnog Balkana.

Prvog i drugog dana boravka u Briselu, 27. i 28. januara, predsjedavajući Čović i Zvizdić imali su niz sastanaka sa zvaničnicima Evropske unije.

Na sastanku s komesarom za proširenje i susjedstvo Evropske unije Oliverom Varhelyijem razgovarali su o trenutnoj političkoj situaciji, pozitivnim odnosima i koracima koje Bosna i Hercegovina preduzima na svom evropskom putu.

Predsjedavajući Zvizdić i Čović iskazali su potpunu posvećenost Bosne i Hercegovine daljnjem unapređenju procesa evropskih integracija, ekonomskom razvoju, jačanju vladavine prava i unapređenju odnosa u regionu, posebno se fokusirajući na realizaciju uslova za dobivanje kandidatskog statusa za BiH.

Gospodin Zvizdić rekao je da su evropske integracije najefikasniji instrument za prihvatanje evropskih vrijednosti, očuvanje stabilnosti, ubrzanje procesa ekonomskog rasta i razvoja, kao i saradnje u regionu i da zbog toga put ka punopravnom članstvu za BiH nema alternativu.

Gospodin Čović istaknuo je značaj evropskih integracija u svjetlu jačanja unutrašnje stabilnosti BiH, kao i činjenicu da je formirano Vijeće ministara BiH, čime su se stekli uslovi za nastavak aktivnosti na realizaciji prioriteta na putu evropskih integracija. U vezi s tim, Dragan Čović izrazio je očekivanje da će Izborni zakon biti dogovoren do početka aprila tekuće godine, čime će biti omogućeno i održavanje izbora u Mostaru.

Komesar Varhelyi je, također, naglasio kako je predstojeći samit u Zagrebu, za vrijeme hrvatskog predsjedavanja Evropskom unijom, prilika za fokusiranje na regiju Zapadnog Balkana, te za podsticanje razvoja obrazovanja i ekonomije. Istaknuo je zabrinutost prilivom migranata u region.

Tim povodom predsjedavajući Zvizdić i Čović rekli su da se zemlja suočava s problemom migranata i da BiH i dalje očekuje pomoć EU, kao i povećani angažman svih institucija kako bi se ulazak i kretanje migranata stavili pod kontrolu.

Sagovornici su prilikom susreta izrazili potpunu opredijeljenost BiH za članstvo u EU. Ističući neophodnost dijaloga, saradnje i političke stabilnosti, naglasili su da su reforme ključni korak ka osiguravanju uslova za postizanje konkretnih iskoraka u ispunjavanju vanjskopolitičkih ciljeva.

Također, tokom održanog sastanka u Misiji Bosne i Hercegovine pri Evropskoj uniji sa stalnim izvjestiocem Evropskog parlamenta za Zapadni Balkan i poslanikom u Evropskom parlamentu Toninom Piculom, razgovarali su o trenutnoj političkoj situaciji, evropskoj Bosni i Hercegovini, kao i o prioritetima i mogućnostima koje BiH može iskoristiti tokom hrvatskog predsjedavanja Vijećem EU.

Picula je rekao da je evropska perspektiva Bosne i Hercegovine izvjesna, ali da su reforme koje zemlja treba realizirati obavezujuće, te da rad na realizaciji evropskih projekata i politika proširenja moraju biti realizirani uporedo.

Predsjedavajući Zvizdić rekao je da je kandidatski status zajednički interes, a da je Bosna i Hercegovina ključ stabilnosti za cjelokupan region, te naglasio da je, zbog očuvanja mira, dugoročne stabilnosti i ekonomskog prosperiteta BiH, ali i cijelog regiona, neophodno dobivanje kandidatskog statusa.

Predsjedavajući Čović naglasio je da za Bosnu i Hercegovinu ne postoji alternativa članstvu u EU, ističući značaj reformskih procesa za podsticanje razvojnih prilika i socioekonomski razvoj na dobrobit građana BiH. Komentirajući pozitivni razvoj uspostavljanja Vijeća ministara BiH, istaknuo je i neophodnost izmjene Izbornog zakona BiH kojim će se omogućiti zaštita jednakopravnosti konstitutivnih naroda i održavanje izbora u Mostaru. Kazao je kako se politička saradnja mora zasnivati na međusobnom uvažavanju predstavnika konstitutivnih naroda i na zajedničkoj aspiraciji pridruživanja EU.

Tonino Picula, Denis Zvizdić i Dragan Čović su ovom prilikom izrazili potpunu opredijeljenost za članstvo BiH u EU.

Teme sastanka sa stalnim izvjestiocem Evropskog parlamenta za Bosnu i Hercegovinu, portugalskim poslanikom u Evropskom parlamentu Paulom Rangelom, obuhvatile su izmjene Izbornog zakona, izbore u Gradu Mostaru, budućnost demokratije u BiH i dobivanje kandidatskog statusa za našu državu.

Gospodin Čović je prilikom susreta naglasio da je Izborni zakon u završnoj fazi dogovora, te da će izmjene Izbornog zakona osigurati zakonsku jednakost konstitutivnih naroda u političkom predstavljanju na svim nivoima vlasti. Također, u vezi s napretkom u integracijama u Evropsku uniju, kazao je da BiH ne bi trebala biti u sjeni Sjeverne Makedonije niti Albanije, kao i da BiH svoj evropski put ne bi trebala vezati uz bilo koju zemlju.

Gospodin Zvizdić potvrdio je nedvojbenu opredijeljenost građana za evropsku BiH. Ispunjavanje reformi i preuzetih obaveza rezultirat će pozitivnim socioekonomskim razvojem, poboljšanjem života građana i uspostavljanjem savremenih evropskih mehanizama u BiH.

Izjavitelj Rangel istaknuo je zadovoljstvo sastankom, naglašavajući važnost aktivne i kontinuirane saradnje predstavnika BiH i EU, kao i evropsku perspektivu. Potvrdio je stav kako Bosna i Hercegovina ima svoj zasebni put prema Evropi, te se ne bi trebala opterećivati problemima drugih kandidata ili potencijalnih zemalja kandidata.

Na kraju sastanka zvaničnici su izrazili očekivanja za daljnjom pozitivnom saradnjom i prioritetnim djelovanjem na području Bosne i Hercegovine, s ciljem što skorijeg sticanja kandidatskog statusa i razvoja BiH.

Predsjedavajući Predstavničkog doma Parlamentarne skupštine BiH Denis Zvizdić razgovarao je s predsjednikom Grupe prijatelja BiH u Evropskom parlamentu, članom Odbora Evropskog parlamenta za vanjske poslove (AFET), te izvjestiocem iz sjene za Izvještaj Evropskog parlamenta o BiH u ime političke grupe Obnovimo Evropu Klemenom Grošeljem, kao i s članovima Evropskog parlamenta iz Slovenije Tanjom Fajon, Milanom Brglezom, Francom Bogovičem i Irenom Jovevom.

Razgovarali su o trenutnoj političkoj situaciji i o koracima i naporima koje Bosna i Hercegovina preduzima na svom evropskom putu. Predsjedavajući Zvizdić rekao je da cijeni sve što je urađeno u proteklom periodu, kao i prijateljski odnos i zalaganje Slovenije za evropski put Bosne i Hercegovine. Dodao je da Bosna i Hercegovina intenzivno radi na daljnjem unapređenju procesa evropskih integracija i naglasio da su ekonomski razvoj, jačanje vladavine prava i unapređenje odnosa u regionu ključni za evropski put i za dobivanje kandidatskog statusa, te da svi nivoi vlasti intenzivno rade na tim ciljevima.

Gospodin Zvizdić također je rekao da put ka članstvu u Evropsku uniju nema alternativu i da je samit u Zagrebu, za vrijeme hrvatskog predsjedavanja Evropskom unijom, prilika za fokusiranje na regiju Zapadnog Balkana.

Jedna od tema razgovora bila je i migrantska kriza. Predsjedavajući Zvizdić ponovio je da će Bosna i Hercegovina nastaviti da se ponaša humano i da će poštovati evropsku politiku o migrantima, ali i da Bosna i Hercegovina ne može biti sabiralište migranata na Zapadnom Balkanu.

Sagovornici su se usaglasili da Bosna i Hercegovina ima evropsku perspektivu i da će Slovenija i u narednom periodu nastaviti davati podršku tim aspiracijama naše zemlje.

Predsjedavajući Predstavničkog doma PSBiH Denis Zvizdić i predsjedavajući Doma naroda PSBiH Dragan Čović učestvovali su i na sastanku Radne grupe Odbora za vanjske poslove Evropskog parlamenta za Zapadni Balkan.

Obraćajući se prisutnima, Denis Zvizdić rekao je da za BiH euroatlantske integracije i regionalna stabilnost nemaju alternativu, te da su to, uz daljnju demokratizaciju društva, izgradnju infrastrukture i društva znanja, kao i jačanje vladavine prava, ključni uslovi demokratskog i ekonomskog razvoja koji našim građanima trebaju osigurati bolji standard i miran i dostojanstven život.

“BiH nije velika država - ima 3,5 miliona stanovnika, ali smo samo u prošloj godini imali više od 1,7 miliona turista, u zadnje četiri godine imali smo rast GDP-a veći od 3,2%, otvoreno je više desetina hiljada radnih mjesta, bili smo lideri u izvozu u našem regionu, a među prvih deset najvažnijih vanjskotrgovinskih partnera, sedam je članica Evropske unije. Ekonomski procesi imaju pozitivne trendove, ali to nije dovoljno, dosegli smo određene limite i upravo nam je sada, više nego ikada, potreban poticaj naših prijatelja kako bi sačuvali pozitivan momentum – podsjećam da je još uvijek više od 70% građana BiH opredijeljeno za EU – jer smo mi u BiH svjesni da su evropske integracije jedini i najefikasniji instrument za jačanje političke stabilnosti, za prihvatanje evropskih vrijednosti i ključni podstrek za ekonomski prosperitet. Mi u BiH ne želimo nikakvo tzv. povlašteno partnerstvo s EU niti bilo kakvu regionalnu inicijativu koja bi bila supstitucija za evropske integracije BiH – mi u BiH isključivo želimo punopravno članstvo u EU. Na realizaciji tog cilja mukotrpno smo radili posljednjih godina i postigli napredak koji treba rezultirati dobivanjem kandidatskog statusa”, rekao je predsjedavajući Zvizdić u obraćanju pred Radnom grupom Odbora za vanjske poslove Evropskog parlamenta za Zapadni Balkan.

Dragan Čović prilikom obraćanja zvaničnicima istakao je kako Bosna i Hercegovina mora napraviti iskorak u oblasti evropskih integracija, za šta ne postoji alternativa. Prethodnih godinu i po Bosna i Hercegovina je bila zaokupljena unutrašnjim problemima i izazovima poput uspostavljanja vlasti i zakonodavnih tijela. No, kako je rekao, taj period je dovršen i nova dinamika rada treba dovesti do intenzivnih promjena kako bismo se suočili s onim što je ispred nas, uključujući Izborni zakon. Spominjući odluke sudova u BiH i Strazburu, gospodin Čović je kazao kako se Izborni zakon mora izmijeniti u skladu s tim odlukama, da se okončanje izmjena očekuje do kraja marta tekuće godine i da se pitanje izbora u Gradu Mostaru također mora riješiti, a podjele i nesporazumi moraju se staviti sa strane.

Ekonomska i politička sigurnost u BiH moraju se osigurati, istaknuli su predsjedavajući Zvizdić i Čović, te izrazili očekivanje da će Bosna i Hercegovina dobiti kandidatski status ove godine kako bi time dobila dodatan vjetar u leđa.

Predstavnici parlamenata iz regije Zapadnog Balkana također su se obratili prisutnima, govoreći o perspektivi članstva i regionalne konsolidacije, uz analize stanja u državama kandidatima i potencijalnim kandidatima.


Nakon uvodnih govora uslijedio je formalni razgovor s prisutnim poslanicima Evropskog parlamenta, koje je predvodio izvijestilac Evropskog parlamenta za Zapadni Balkan i poslanik Republike Hrvatske Tonino Picula.

Na Samitu predsjednika Evropskog parlamenta s predsjednicima parlamenata država Zapadnog Balkana, osim predsjedavajućeg Predstavničkog doma PSBiH Denisa Zvizdića i predsjedavajućeg Doma naroda PSBiH Dragana Čovića prisustvovali su i: Kenan Hodžić, *šef Kabineta predsjedavajućeg Predstavničkog doma Denisa Zvizdića*, Amela Mulavdić, *savjetnica Denisa Zvizdića*, Tonka Krešić-Gagro, *šefica Kabineta predsjedavajućeg Doma naroda Dragana Čovića*, Andrijana Katić, *savjetnica Dragana Čovića*, Enida Mehmedovski i Dženana Leper iz Sektora za međunarodne odnose i protokol Sekretarijata Parlamentarne skupštine BiH i Dubravka Ištuk-Pavlović, prevoditeljica u Parlamentarnoj skupštini BiH.

Izveštaj pripremile:

Dženana Leper


Enida Mehmedovski



Izveštaj odobrili predsjedavajući domova PSBiH

Dr. Denis Zvizdić

Dr. Dragan Čović



Prilog:

- Usvojena i potpisana Zajednička deklaracija

Dostaviti:

- Kolegiju Predstavničkog doma PSBiH
- Kolegiju Doma naroda PSBiH
- Kolegiju Sekretarijata PSBiH
- Zajedničkoj komisiji za evropske integracije PSBiH
- Komisiji za vanjske poslove Predstavničkog doma PSBiH
- Komisiji za vanjsku i trgovinsku politiku, carine, saobraćaj i komunikacije Doma naroda PSBiH
- Sektoru za odnose s javnošću PSBiH
- Sektoru za Evropsku uniju PSBiH
- Sektoru za međunarodne odnose i protokol PSBiH

Kopija: Ministarstvo vanjskih poslova BiH

Samit predsjednika Evropskog parlamenta i čelnika parlamenata zemalja Zapadnog Balkana

Brisel, 28. januar 2020. godine

ZAJEDNIČKA DEKLARACIJA

Mi, predsjednici parlamenata zemalja Zapadnog Balkana,

zajedno s predsjednikom Evropskog parlamenta

**i predsjednikom Hrvatskog sabora koji predstavlja hrvatsko predsjedavanje
Vijećem EU,**

1. Ponovo potvrđujemo ključnu ulogu parlamenata u unapređivanju plana reformi EU i ostvarenju evropskih težnji naroda Zapadnog Balkana;
2. Pozivamo Vijeće Evrope da nastavi podržavati evropsku perspektivu Zapadnog Balkana na osnovu ispunjenja pristupnih kriterija i slati nedvosmislenu i pozitivnu političku poruku o otvaranju pristupnih pregovora i davanju kandidatskog statusa;
3. Smatramo da bi Samit u Zagrebu mogao imati ključnu ulogu u vraćanju vjerodostojnosti politike proširenja i davanju novog efikasnog poticaja procesu konkretnim zaključcima koji bi približili regiju EU i osigurali održivost evropske perspektive Zapadnog Balkana;
4. Potvrđujemo punu posvećenost naših parlamenata učešću u razmatranju „novog pristupa“ proširenju kako bi proces postao demokratskiji, transparentniji i bliži građanima i civilnom društvu; ponovo potvrđujemo da vladavina prava jeste - i treba ostati - kamen temeljac procesa pridruživanja,
5. Čvrsto vjerujemo da će proširenje Evropske unije biti korisno za narode Zapadnog Balkana i države članice EU, kao i da može dovesti do prijeko potrebnog pomirenja u regiji;
6. Smatramo da, kako pripreme za Konferenciju o budućnosti Evrope dobivaju na značaju, šestorka Zapadnog Balkana treba biti potpuno uključena u rad Konferencije;
7. Potpuno smo posvećeni zajedničkom radu na jačanju parlamentarne demokratije i parlamentarne dimenzije procesa proširenja; kao i produbljivanju parlamentarne kulture zasnovane na postizanju konsenzusa kroz dobronamjerni, otvoreni, inkluzivni i nekonfrontirajući dijalog vođen interesom trajnog mira; ističemo važnost programa

podrške parlamentima i izgradnji kapaciteta parlamenata koji se provode na lokalnom i regionalnom nivou, uz podršku Evropskog parlamenta;

8. Vjerujemo da je osnaživanje parlamenata suštinski dio procesa proširenja jer samo osnaženi i efikasni parlamenti, s jakom kulturom inkluzivnog dijaloga i postizanjem konsenzusa, mogu biti istinski i djelotvorni pokretači reformi.

Na kraju, mi, predsjednici parlamenata zapadnobalkanske šestorke, uz punu podršku predsjednika Evropskog parlamenta i predsjednika Hrvatskog sabora koji predstavlja hrvatsko predsjedavanje Vijećem EU, obavezujemo se da vodimo svoje parlamente na tom putu i pomoći u stvaranju novog političkog zamaha u procesu proširenja koji će ispuniti očekivanja svih naših građana.

David Maria Sassoli
Predsjednik Evropskog parlamenta

Gordan Jandroković
Predsjednik Hrvatskog sabora

Gramoz Ruçi
Predsjednik Parlamenta Republike Albanije

Denis Zvizdić
Predsjedavajući Predstavničkog doma Parlamentarne skupštine BiH

Dragan Čović
Predsjedavajući Doma naroda Parlamentarne skupštine BiH

Glauk Konjufca
Predsjednik Skupštine Kosova¹

Ivan Brajović
Predsjednik Parlamenta Crne Gore

Talat Džaferi
Predsjednik Parlamenta Sjeverne Makedonije

Maja Gojković
Predsjednica Narodne skupštine Republike Srbije

¹Ova oznaka ne prejudicira stavove o statusu, te je u skladu s UNSCR 1244/1999 i Mišljenjem ICJ-a o Deklaraciji o nezavisnosti Kosova.

European Parliament - Western Balkans Speakers' Summit

Brussels, 28 January 2020

JOINT DECLARATION

We the Speakers of the parliaments of the Western Balkans,

together with the President of the European Parliament

**and the Speaker of the Croatian Parliament, representing the Croatian Presidency of
the Council of the EU,**

1. Reaffirm the key role of parliaments in driving forward the EU reform agenda and delivering on the European aspirations of the people of the Western Balkans;
2. Call on the European Council to continue supporting the European perspective of the Western Balkans based on the fulfilment of the accession criteria, and give an unambiguous and positive political message on opening of accession negotiations and granting of candidate status;
3. Consider that the Zagreb Summit could play a pivotal role in restoring the credibility of enlargement policy and giving the process a new and effective impetus through concrete conclusions that would bring the region closer to the EU and ensure the sustainability of the European perspective of the Western Balkans;
4. Confirm the full commitment of our parliaments to participate in the reflections on a "renewed approach" to enlargement in order for the process to become more democratic, more transparent and closer to the citizens and civil society; reaffirm that the rule of law is and should remain a cornerstone of the accession process;
5. Firmly believe that enlargement of the European Union will benefit the people of the Western Balkans and of the EU Member States, and can bring about much-needed reconciliation in the region;
6. Consider, as preparations for the Conference on the Future of Europe gain momentum, that the Western Balkan Six should be fully associated to the work of the Conference;
7. Are fully committed to work together to strengthen parliamentary democracy and the parliamentary dimension of the enlargement process, as well as to deepen parliamentary culture based on consensus-building through a well-intentioned, open, inclusive and non-confrontational dialogue guided by the interest of lasting peace; stress the importance of

the parliamentary support and capacity building programmes carried out locally and regionally, supported by the European Parliament;

8. Believe that the empowerment of parliaments is an essential part of the enlargement process, as only empowered and efficient parliaments, with strong cultures of inclusive dialogue and consensus building, can be genuine and effective drivers of reforms.


Finally, we, the Speakers of the parliaments of the Western Balkan Six, with the full support of the President of the European Parliament and the Speaker of the Croatian Parliament, representing the Croatian Presidency of the Council of the EU, commit to lead our respective parliaments on this path and help create a new political momentum in the enlargement process that responds to the expectations of all our citizens.



David Maria SASSOLI
President of the European Parliament



Gordan JANDROKOVIC
Speaker of the Croatian Parliament



Gramoz RUÇI

Speaker of the Parliament of the Republic of Albania




Denis ZVIĐIĆ

Speaker of the House of Representatives,
Parliamentary Assembly of Bosnia and Herzegovina

Dragan ČOVIĆ

Speaker of the House of Peoples,
Parliamentary Assembly of Bosnia and Herzegovina



Glauk KONJUFCA

President of the Assembly of Kosovo*



Ivan BRAJOVIĆ

President of the Parliament of Montenegro



Talat XHAFERI

President of the Assembly of the Republic of North Macedonia



Maja GOJKOVIĆ

Speaker of the National Assembly of the Republic of Serbia

* This designation is without prejudice to positions on status, and is in line with UNSCR 1244/1999 and the ICJ Opinion on the Kosovo Declaration of Independence.